



Nuuk 05. april 2011

Inatsisartut Suleriaasianni § 37 naapertorlugu matumuuna Naalackersuisunut imaatumik apeqquteqarniarpunga:

Naalackersuisunut apeqqut:

1. **Eqqumiitsuliortortatsinnut arnanut angutinullu kusanartuliornerup sanalunnerullu tungaatigut siunnersuineq qanoq ittoq Naalackersuisut pilersaarutigineeraat?**
2. **Siunnersuinermit aningaasaliissutaasut peerneqarsimasut 2012-mut ikkuteqqinneqarnissaat Naalackersuisunit pilersaarutigineqarpa?**
3. **Siunnersuisutut atorfeqarsimasup Thue Kristiansenip siunnersuisutut atorunnaarne-rata kingorna siunnersuineq qanoq ingerlanneqarsimava imaluunniit unitsinneqar-simava? Iami ingerlanneqaqqinniannikkuni assut uggornassagami.**

(Inatsisartuni Ilaasorta, Ruth Heilmann Siumut)

Tunngavilersuut:

Sinerissami Eqqumiitsuliortortatta illoqarfinni nunaqarfinnilu (tassani kusanartuliorlutillu sanaluttartut arnat angutillu pineqarput) siunnersorneqartarnerat pikkorissartinneqartar-nerallu pillugit aningaasaliissutaasartut Naalackersuisunit 2011-mut peerneqarsimanerisa kinguneraat Thue Cristiansenip siunnersuinermit ingerlatsisimasup atorunnaarsineqarsimanera. Tamanna uggornartuusoq Siumumit isumaqarfigaarput,tassami eqqumiitsuliorneq nunatsinni kulturitsinnut ilaalluinnartuummat piorsarneqartuarnissaalu pisariaqarlunnarluni.

Isumaqarpunga, eqqumiitsuliortortatsinnut siunnersuineq Thuep uummaarilluin-nartumik taakku-nunngalu iluaqutaalluartumik kajumissaataasumillu ataavartunngortillugulu Naalackersuisut Inatsisartullu peqatigalugit ingerlassimasaa, nunatsinni ingerlanneqartuarnissaa ullumikkut siunissamilu pisariaqartuaannassaaq.Taamaattumik pingasunngornermi 23 marts kultureqarnermut Naalackersuisumut tamanna apeqqutigaa, kisiannilu akinissamut piffissakinneq pillugu matumuuna apeqqutima ersarissumik akineqannginnera uggorisimallugu.